


2. MBO na Boneiru

Enseñansa Profeshonal Sekundario (**mbo**) ta un sistema di enseñansa hulandes.


Scholengemeenschap Bonaire ta e instansia rekonosé ku ta ofresé estudionan di mbo na Boneiru. Fundashon Forma ta e organisashon ku ta enkargá ku e ehekushon nivel 1 i na e edifisio di SGB na Kaya Korona ta ofresé nivel 2 te ku 4.

2.1 Nivel

Den e skema ku ta sigui por mira tur kuater nivel di mbo i kon e studiante a yega den e sistema di mbo i unda e por sigui ku su estudio despues di kaba mbo.



Nivel 1 ta ofresé na Fundashon Forma i ta un estudio riba nivel di asistente. E estudionan na nivel 1 tur ta na papiamentu. Nivel 1 ta dura un aña i ta pa tur persona for di 16 aña ku pa un òf otro motibu no tin un diploma ainda.



Nivel 2 ta ofresé na SGB i ta un estudio di fishi. Un estudio riba nivel 2 tin durashon di dos aña. Pa e nivel aki e eksigensianan pa atmishon ta:

- Diploma di vmbo
- Diploma lbo, vbo, mavo, mavo-vbo, havo, vwo
- Un raport di havo/vwo pa klas 4
- Diploma MBO nivel 1

Nivel 3 ta ofresé na SGB i ta un estudio di ‘middenkader’. Un estudio riba nivel 3 tin durashon di tres aña. Pa e nivel aki e eksigensianan pa atmishon ta:

- Diploma di vmbo
- Un raport di havo/vwo pa klas 4
- Diploma lbo òf vbo ku 3 materia riba nivel B i 3 materia riba nivel C inkluí hulandes
- Diploma mavo, mavo-vbo, havo, vwo
- Diploma MBO nivel 2

Nivel 4 ta ofresé na SGB i ta un estudio di spesialisista. Un estudio riba nivel 4 tin durashon di kuater aña. Pa e nivel aki e eksigensianan pa atmishon ta:

- Diploma di vmbo
- Un raport di havo/vwo pa klas 4
- Diploma lbo of vbo ku 3 materia riba nivel B i 3 materia riba nivel C inkluí hulandes
- Diploma mavo, mavo-vbo, havo, vwo
- Diploma MBO nivel 3

2.2 BOL i BBL

Den Enseñansa Profeshonal Sekundario (**mbo**) tin dos sistema di estudio:

- **Beroepsopleidende leerweg BOL**
- **Beroepsbegeleidende leerweg BBL**

BOL:

Un ‘BOL-opleiding’ ta estudio durante di dia. E studiante ta bai lès durante hinter siman. Formashon profeshonal den práktika ta tuma lugá durante e periodo di práktika na un ‘leerbedrijf’ rekonosé. E momentunan ku un studiante tin periodo di praktiká ta diferente pa kada estudio, pero si tin un eksigensia di mínimo 20% durante hinter e estudio.

BBL:

Un ‘BBL-opleiding’ ta un kombinashon di traha i siña. E studiante ta traha durante di dia i ta bai lès anochi. Òf e studiante ta traha kuater dia i bai lès un bes pa siman.

Den e sistema aki e studiante ta praktiká mas tantu i ta gana un salario tambe.